



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus I. De diversitate pœnarum.

[urn:nbn:de:hbz:466:1-73064](#)

QUÆSTIO XXXVII.

IN TITUL. XXXVII. DE POENIS.

1388



Oc titulo agitur de poenis, & modo eas imponendi deficitis. *Pena* enim est coercitio, seu vindicta delicti, inducta ad disciplinæ publicæ emendationem. Semper supponit culpam, non tamen semper culpam puniti, sed vel culpam, vel causam; ut cum ob culpam Patris, puniuntur Filii, in crimine laesa Majestatis, licet filii culpam non habeant; non tamen sine causa, quia in his exempla paterni, seu hæreditarii criminis meruuntur. Quare Regula juris 23. in 6. *sine culpa non est aliquis puniendus* intelligi debet, nisi substat causa.

ARTICULUS I.

De diversitate paenarum.

1389

Inter poenas est aliqua diversitas, quæ sursumitatur à diversitate delictorum. *Capitalis* poena est, per quam infertur mors naturalis, vel civilis, per medium, vel maximam capitum diminutionem, per quam intelligitur immutatio prioris statutus, seu juris (hoc enim hic per *caput* notatur) quo ad libertatem, civitatem, aut familiam. *Maxima* est, quæ libertatem tollit; quod contingit his, qui servi poenæ efficiuntur atrocitate sententiae; vel libertis, qui ut ingrati Patronis condemnantur; aut illis, qui se ad premium participandum venundari passi sunt. *Media*; quæ salvâ libertate jus civitatis admittit, quod accidit ei, cui aquâ, & igni interdictum fuerit; vel illi, qui in insulam deportatus est. *Minima*, quæ salvâ libertate, & civitate, statum familiæ mutat; hoc illis evenit, qui, cum sui Juris fuerint, alieno iuri subesse cœperunt; vel contrâ, veluti, si filius familias à Patre emancipatus fuerit; sic enim est capite diminutus, ut exponit Strykius ad L. 1. Instit. tit. 16. Quamvis Zoësius in eundem locum, maximam capitum diminutionem exponat per jacturam libertatis, & civitatis. *Poenaverò non capitalis* alia est cor-

poralis, sive corporis afflictiva, alia pecunaria. Deinde, inter poenas alia est *civilis*, quæ applicari debet parti laesa; alia *criminalis*, quæ ad vindictam publicam spectat. Tertiò alia poena est *ordinaria*, seu legalis, quam lex, aut Princeps prescripsit, vel consuetudo induxit, alia *extraordinaria*, seu *arbitraria*; cuius qualitas & quantitas nullâ lege definita est, sed pro qualitate delicti Judicis arbitrio, seu prudenti consideratione definienda est. Inter has ipsas poenas alia est *lata* à jure, & incurritur ipso facto; alia *ferenda* à Judge; alia *privativa* juris *acquisiti*, vel *acquirendi*; alia *positiva*, cuius executio ulteriorum actionem requirit; de quibus actum est alibi, præsertim l. 1. tit. 2. de Constitut. Corrum, communis tenet, Reo sufficienter convicto teneri Judicem poenam legalem imponere, c. in *ipsis*, dist. 4. nec illam excedere vel minuere posse, nisi aliud suadant circumstantiae, ut constabat ex seqq. Hinc

Queres 1. quid dicendum de poena¹³⁸⁹ pecuniaria? 2. ad hanc questionem in præsenti solùm dicenda, secundum quæ, in sacris Canonibus insinuat. Ubi primo Archidiaconis, & Prælatis, Episcopis inferioribus de jure prohibitum est, pro corrugendis excessibus & peccatis, exigere pecuniam à Laicis, & Clericis, nisi aliquis alius de poena pecuniaria pro ejusmodi excessibus jure statuta sit; imò ejusmodi pecuniarum exactiones ex cupiditate, sub pena excommunicationis ferenda, sine appellatione, illis interdictas esse, etiam causa correctionis, c. *Licit*, 3. h.t. quamvis Episcopis, Zelo correctionis, poenam pecuniariam Clericos punire liceat, potissimum, ubi ea magis timeretur; Sic Barboſa in cit. c. *Licit*, n. 2. & probatur ex c. *dilectus*, de offic. Ordin. c. *Si vos*, 23. q. 5. c. *Cum sit nimis*, §. fin. c. *Postulasti*, de Judæis, c. ad *audientiam*, de præscript. c. olim, Jurejur: & alibi; quod intellige, si zelo iustitiae (quia illa magis timeretur) poenam tamē imponant. Hanc autem poenam Episcopus non potest convertere ad usus suos,

seu

seu ad inbursandum, ne quidem in fabri-
cam Ecclesiae Cathedralis, aut mercedem
Vicarii (sic enim præsumeretur manare ex
fonte avaritiae) sed in piis causas, ut mo-
net & præcipit Tridentinum Sess. 25. de
Reform. c. 31. nisi Episcopus esset admoni-
tum pauper; prout Congregatio Cardina-
lium, pro dub. Trident. declaraverat apud
Barbol. cit. n. 4. ubi etiam addit., quod
Episcopus in prima admonitione concubini-
narum, poenam pecuniariam punire possit.

1391 Dubitatur tamen, quis possit poenam
infingere, quam jus certis pro criminibus
statuit infigendam? Respondebat Pirhing
h. t. n. 7. quod is, qui potest cognoscere de
talibus delictis, etiam possit illam inflige-
re; Sicutem jus statuat poenam spiritualem
vel corporalem, non posse illam ab alio
commutari, nisi qui potest in tali delicto
dispensare: Abbas tamen in cit. c. *Licet*,
docet, quemlibet Judicem, qui potest de
causa cognoscere, posse poenam à jure sta-
tutam in pecuniariam commutare, dum-
modo id faciat in sententia prolatione, &
causa cognita, ut notat Fagnan in cit. c.
Licet, n. 13. verum hoc de jure Canonico
sic indefinite non procedit, ut constat ex
duobus numeris preced. in Judicibus Ec-
clesiasticis; præsertim, si poena lege defi-
nitam sit; ex c. *in ijsis*, dist. 4. ubi dicitur, *de
legibus*, cùm insituantur, posse judicari; cùm
autem fuerint insituta, & firmata, non li-
cere Judici de ipsis judicare; sed secundum
ipsas; Si autem de poena criminis nihil defi-
nitum sit in jure, utrum pecuniaria, vel
alia sit imponenda? Judicis arbitrio relin-
quitur, quam imponat. Sic Gloß. in cit. c.
Licet, V. *Pœnam*. Episcopus tamen, vel
alius Judex Ecclesiasticus in causis spiritua-
libus, vel mixti fori, Laicis, etiam non
subditis in temporalibus, poenas pecuniari-
as imponere potest, saltem post Trident.
Sess. 25. de Reform. c. 3. Sic Fagnan. cit. à
n. 22. maximè sitalis plus timeatur, & con-
ducibilior sit ad correctionem.

1392 Queras 2. quid dicendum de poena
conventionali? Circa istam poenam nota,
etiam de jure Canonico licet apponi poe-
nam contractui, & exigi, quæ tamen in
effectu tollatur, si utraque pars non servet
contractum. Desumitur ex c. *Constitutus* 7.
h. t. ibi: *licet autem in instrumento Episcopi*
Lavitani expressa fuerit certa pœna, quam
pars contractum non servans, solveret obser-
vanti: cùm tamen utraque pars venisse con-
tom. V.

traillum, ex confessione propria convincatur,
cùm & pars vestra substraxerit Episcopo pe-
nionem, & Episcopus procurationem exegerit
ab eadem Ecclesia, sicut & economus proposuit
memoratus, utramque partem ab ea reddi-
mus absolutam, Sed hoc accipe cum eo di-
scrimine, quod, et si de jure civili, & se-
cundum rigorem juris, qui certam pecuniæ
quantitatem ad certum tempus sub poena
dare promisit, debeat in casu promissionis
non servata totam poenam solvere, licet
aliquam partem sortis solverit, propter for-
tem non solutam integrè, L. *stipulationum*,
§. *si sortem*, & L. *in excutione*, §. *item si
ira*, de V. D. L. *Hæredes*, §. *In illa ff.* Fa-
mil. herisundæ: de jure tamen Canonico
eo casu non committi, seu incurri totam
poenam; sed solùm pro illa parte, quæ re-
spondet quantitati debiti non soluti; cùm
neminem deceat in honestis quæstibus
cum aliena jactura ditari, c. *suam*, 9. h. t.
ubi, postquam Rectores Clericorum S.
Fortunati Episcopo Spoleto in 40. libris
per quoddam arbitrium condemnati, adje-
cta 30. librarum poenam, nisi eas solverent
in termino constituto, solverunt in dicto
termino 33. restantibus adhuc 7. persolven-
dis, dictus Episcopus occasione harum se-
pTEM adhuc restantium ursit solutionem
poena arbitrio adjectæ de 30. libris in poe-
nam non soluti constituto termino integri
debiti 40. librarum; & produxit literas
Apostolicas, quibus *veritate tacitæ* impe-
travit, ut Rectores illi in præfatis 30. libris
per Delegatos condemnentur: Dicti Re-
ctores contra Episcopum ad Sedem Aposto-
licam suam querimoniam deduxerunt; quæ
percepta, præfato Episcopo rescriptis Pon-
tifex: *Quia igitur te non decet in tantum
Pontificalis modestia obliuisci, ut in honestis
quæstibus anhelando desideres cum aliena ja-
ctura ditari: mandamus, quatenus septem
librarum solutione contentus super pœna 30.
librarum, memoratos Rectores de cetero non
molestes.* An & qualiter poenæ conventio-
nali sponsalibus apposita locus sit? diximus
I. 4. tit. 1.

Si inquiras, an poena conventionali 1393
locus sit, cùm non adjicetur alicui obliga-
tioni præcedenti? & pro resolut. not. poe-
nam conventionale definiri, quod sit
promissio confirmans præcedentem obli-
gationem, vel causam, & ad ejus imple-
mentum impelleans Reum, sub comminatione
præstandi aliquid certum; talique

Rr 2 obli-

316 Tract. in Lib. V. Decretal. Quæst. XXXVII.

obligatione confirmari priorem, ut docet Cujacius in L. *Si ita*, 97. & Donellus in L. *Si homo* 69. n. 5. ff. de verbis obligat. Ex hoc responderetur ad questionem, quod obligatio ad poenam ex conventione statutam, non semper requirat determinate priorem obligationem, quam confirmet; Sed vel illam, vel causam debendi. Nam si stipulator dixerit: *Si domum non fabricaveris, centum dabis*, fabricatio domus non est sub obligatione, cum promissa non sit; est tamen causa debendi: & ideo fabricatio domus peti non potest, vi hujus conventionis, & promissor se liberat, fabricando domum, de quo V. L. 24. ff. quando dies Legati cedat; & L. 24. §. *ita*, ff. de verbis obligat.

1394 Talis poena conventionalis erat illa, de qua dicitur c. *Constitutus*, 7. h. t. ubi dicitur, quod, si uterque contrahentium venit contra contractum, uterque possit exigere poenam ad invicem promissam ex conventione; quia tamen paria delicta, quoad poenam privatam mutuam compensatione tolluntur, L. *Viro*, ff. soluto matrimonio: ideo in dicto casu (cum neuter contrahentium promissum adimpleverit) Innocentius III. in dicto c. *Constitutus*, utrumque à poena per conventionem promissa absolvit. Ex hoc inferunt aliqui, poenas conventionales quocunque eventu esse solvendas, licet nulla culpa possit imputari promissoribus; ita Sanch. l. 1. matrim. D. 126. n. 6. Fachinaeus l. 3. Controvers. c. 10. & alii; quia non tantum promiserunt diligentiam, sed præstatu-
nem, seu factum L. 9. ff. de nautico sceno-
re: videtur tamen excipiendo conventionalis poena sponfaliibus adjecta, solvenda à resiliente etiam ex justa causa, de quo ca-
su diximus l. 4. tit. 1. p. 1.

1395 Quamvis autem jam dixerimus, obli-
gatum ad certam quantitatem, certa die sub poena solvendam, si partem intra ter-
minum solvit, ad poenam integrum jure Canonico non teneri, ut satis videtur colligi ex c. *Suam*, 9. h. t. ubi Innocentius III. Clericos Sancti Fortunati per quadam arbitrium condemnatos in 40. libris Episcopo Spoletano persolvendis, sub poena 30. librarum, nisi eas quadraginta sol-
verent in termino constituto, postquam in hoc 33. persolverunt, absolvit à poena 30. librarum, & Episcopum contentum esse voluit, si ei solvantur septem, totsci-

licet, quot soluta non sunt ex debito in termino constituto: contrarium tamen communiter docent Legistæ, de quo vi-
deri potest Gonzalez in c. *Suam*, cit. à n. 1.
saltum in casu, ubi quantitas sub poena debita est individua; vel si dividua, indis-
sibiliter promissa; cuius rationem com-
muniter reddunt ex voluntate contrahen-
tium; quia, qui promisit pecuniam cer-
ta die dare, & nisi dederit certam poenam,
totam summam promittit: Hinc nolum
poenalem obligationem conditionalis esse,
vel instar conditionalis pro casu non datio-
nis, sed, licet pars persolvatur in termino
constituto, adhuc verum est totam sum-
mam non esse datam; ergo non evitatur
poena; nisi principali obligationi satis-
fatum sit in totum.

Ut jus Canonicum cum civili concili-
ent, varias expositiones illius textus in c.
Suam afferunt Authores. Bartolus in L. 4.
§. *Cato*, ff. de verbis obligation. censet
omnino verum esse, quod partis solutio
eximat pro parte poenæ, de jure Canonico;
alii alias solutiones afferunt apud Barbolam
in c. *Suam*, & alios. Mihi videtur pra
teris ad mentem Innocentii rectior expoli-
cio, quæ dicit, in hoc c. *Suam*, casum es-
se speciale respectu *persona*, cui Pontifex
imposuit, ne totam poenam exigat, quod
tota quantitas in termino constituto per
soluta non sit. Quia, qui totam poenam
30. librarum sibi solvendam exigebat,
erat, ut dictum est, *Episcopus*, non obstante,
quod debitores, de quadraginta li-
bris debitis, constituto termino persolve-
rint triginta tres; hujus igitur petitioni ad
totam poenam, Pontifex modum statuit,
de quo supra; rationem reddit ex circum-
stantiis, ibi: quia igitur *se non decet* in tan-
tum Pontificalis modestiae obliisci, ut
in honestis questibus anhelando, desideres
cum aliena jactura dictari, mandamus, qua-
tenus, septem librarum, solutione conten-
tus, super poena tringinta librarum, memora-
tos Rectores de cetero non molestes. Ex
quibus verbis colligitur, nullum esse inter ea,
quod includat injustitiam ex parte Episcopi
in hujusmodi poenæ exactione; sed omnia
duntaxat eò tendere, ut ostendant indecen-
tiam, & quandam illius disconvenientiam
respectu talis personæ, in qua considerari
debet Pontificalis modestia, honestas, &
eminencia statu Episcopalis, cui quæsta
non decenti, qui arguit *cupidinentem lu-
crandi*

eranda cum iactura aliena, talis exactio non potest decenter convenire.

1397 Quæres 3. quid dicendum de poena depositionis? Ante resolutionem suppon. *depositionem Clerici*, aliam esse *verbalem*; aliam *realem*, seu *actualem*. Verbalis degradationis propriè est depositio Clerici criminosi ab exercitio ordinum, officio, & beneficio, facta per sententiam; si vero post hoc etiam privetur actu, & solenni ritu, vestibus, & insignibus Clericalibus, est degradationis realis. Poena depositionis, nimur ab officio, & beneficio, Clericis non nisi propter gravia crimina infligi solet v.g. latrocinia, que fiunt de die, & cum violentia &c. ut dicitur c. *quod in duabus* 5. h.t. ibi: quia vero tam fæcilius, qui gubernant naves ad pugnam, quam qui personaliter exercent consilium, & hi, qui alios incitant ad pugnandum, omnes enormiter peccant: *de rigore canonico eos credimus deponendos*, &c. 6. eod. ibi: ad illud, quod à nobis tertio requisisti, quater Clerici in latrociniis, vel aliis magnis Sceleribus deprehensi puniri debeant? Respondemus, *quod à suis ordinibus degradati, derudi debeant in arcta monasteria ad paenitentiam peragendam*.

1398 Modus degradationis tam verbalis, quam realis, præscribitur c. 2. h. t. in 6. Qui, & quot Episcopi in degradatione tam verbali, quam reali adhibendi olim fuerint, dicitur c. 4. & 9. 15. q. 7. quid vero statuerit Trident. constat ex Sess. 13. de reform. c. 5. & Sylvester V. *degradationis*; aliique. Dubitatur autem 1. an per degradationem seu depositionem verbalem amittatur privilegium fori, & canonis? 2. negativè; quod id nullo jure constitutum sit, secus est, per realem, sic Barbol. de officio & potestate Episcopi, allegat. 110. Degradatio verbalis, seu depositio fieri potest ab Episcopo, etiam non consecrato, per se, non per alium; si autem si confirmatus, licet nondum consecratus, potest eam facere etiam per alium, quia est actus solius jurisdictionis; potestas vero degradandi realiter, ex institutione annexa est Ordini Episcopali, potestque delegari alteri Episcopo, sed consecrato; Pirthing de poenis n. 19. Si autem jure, vel constitutione aliquâ delicto reperitur imposita poena degradationis, intelligendum venit de verbali, nisi clarè exprimatur realis; quia poena restringenda sunt.

Degradatio verbalis infligitur propter adulterium, concubinatum perseverantem, etiam post monitionem, simoniam notoriam, stuprum, incestum, furtum, perjurium, homicidium, & alia crimina gravia, quæ irregularitatem inducunt; Degradatio autem actualis non nisi propter crimina gravissima, quorum tria jure expressa sunt. 1. Manifestum crimen heresie. 2. Crimen falsi commissi in literis Apostolicis. 3. Conspiratio in proprium Episcopum; intellige, si conjuncta sint cum incorrigibilitate; quibus accedunt alia. 1. Sodoma frequentata. 2. Crimen abortus foetus animati; 3. solicitatio mulierum in confessione, 4. Celebrazione non ordinati. 5. Non ordinatus audiens sacramentalem confessionem, & plura similia valde enormia, & Reipublica perniciosa: ut est homicidium qualificatum, &c. actualiter autem *degradatus*, per solum Papam restitu potest; *verbaliter* autem depositus, etiam per Episcopum, sed non per Episcopo inferiorem. V. Sylvester cit. & Barbol. dict. allegat. 110.

ARTICULUS II.

De reliquis in hoc titulo.

Quæstio prima est, an ea, quæ frequenter prævaricatione iterantur, frequenti etiam sententiâ condemnari possint? 1. affirmativè ex claro textu c. 1. h. t. Nam licet de codem delicto non possit quis iterum accusari, postquam semel fuit absolutus, vel condemnatus, c. *de his*, de accusat. secundum inibi dicta in tit. 1. supr. tamen, cum novâ post hoc prævaricatione relapsus est, potest non modo iterum puniri, sed etiam gravius propter iterationem, ut colligitur ex c. *ad abolendam*. de haeret.

Quæstio 2. est, quæ poena sit ejus, qui occiderit, vulneraverit, vel qualibet injuriâ, vel contumelia dehonestavit sacerdotem? 2. de hoc casu responderi c. 2. h. t. & statui, si Presbyter occisus fuerit, totam compositionem esse persolvendam Episcopo, ad cuius provinciam, hoc est diocesim, interfactus pertinet, medietate unâ cedente Ecclesiæ, cui servivit; alterâ in eleemosynam justè disperiendâ; si autem in articulo mortis præventus obierit pretium Werigeldi tripliciter dividendum esse, sic, ut una pars cedat altari, hoc est Ecclesiæ, cui ordinatus fuerat; altera Episcopo, in

R. 3 cujus